



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 313. Usque Ad Annum 361

**Fleury, Claude**

**August. Vind. [u.a.], 1758**

**VD18 90117778**

§. 7. Magnentius Mursæ devictus.

---

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

## §. VII.

Sæculum IV.

A. C. 351.

*Magentius Mursæ devictus.*

Magentius cum Gallia, & Italia viribus, superatis alpibus, in Illyricum, & Pannoniam processerat, ubi tandem ejus copiae Constantii exercitum oculis usurparunt; ergo in apertissimo campo prope urbem Mursam ad Dravum fluvium, ubi hodie pons Essecensis visitur, pro Imperio Mundi decertatur. Constantio non visum, se ipsum tanto periculo exponendam, sed interim in Ecclesia S. Martyris extra urbem substitit, & Valentem ipsius urbis Mursæ Episcopum, celebratissimum Arianum, in solatium adhibuit; is, ut erat solertissimus, ita inter servulos mandata distribuerat, ut, quænam esset pugnae fortuna, diligentissime moneretur, bonæ sortis nuntius inter omnes primus Imperatori futurus, syn contraria statuisent fata, matura fuga se periculo subtracturus. Dum igitur Imperator cum paucissimis, quos apud se retinuerat, ob pugnae exitum anxia expectatione suspenditur, intrat Valens bonæ rei nuntius, victos hostes terga vertere; & jubenti Constantio, ut rei tantæ nuntium introduceret, respondit, victoriam sibi ab Angelo revelatam; crassissimum mendacium apud credulum Imperatorem fidem invenit, qui sæpius abhinc dicere

*Zosim. l. 2.**p. 699.**Sulp. Sev.**hist. l. 2.*

Nn 3

audi-

Sæculum IV. auditus est, se hanc victoriam magis Val-  
 A. C. 351. lentis Episcopi apud Deum meritis, quam  
 militum suorum robori in acceptis refer-  
 re. Per hanc fraudem haud modice Arianorum crevit potentia. Ad Mursam pugnatum est vigesima octava Septembris hujus anni 351. completa victoria multo sanguine stetit. Magnentius alpes petens, in Galliam fugit, ubi secundo etiam prælio victus, Lugduni suo se gladio jugulavit, post annorum trium, de medio Regnum, annum agens vitæ ferme quinquagesimum. Decentius ejus frater, quem Cæsarem creaverat, fato ejus comperto, laqueo sibi gulam fregit; Hæc autem omnia demum mense Augusto A. 353. facta sunt.

## §. VIII.

*S. Pauli Constantinopolitani Martyrium.*

Prospera armorum fors Arianorum animos ita inflavit, ut persecutionem in Episcopos Catholicos restaurare ausi sint, quam Constantis auctoritas ante represserat. Ursacius, & Valens ad vomitum rediere, palam, licet falso affirmantes, coactos se ad retractandum, idque Constantem Imperatorem adhibita vi a se extorsisse.

*Athan. ad**solit. p. 828.**Sup. l. XII.**n. 18.**Theod. II.**hist. c. 5.**Socrat. II.**c. 26.*

Primo